

111 年全國語文競賽原住民族語朗讀 【萬大泰雅語】 國中學生組 編號 2 號

hapuni’

papaw, mama’ saxilu’ ka ututux moꝛow, paston ci a’a’wah mani’ na
misa’ mumarah lu malax pasba ’ci ke’. hagilu’, yuna nel tapeh ci tanmoꝛow.
behuꝛ, hagilu’, mama’ mangihuꝛ ka roꝛi’ na kankanel, ya rinang? ya
behuꝛ na hagilu’? ini’ ba’iy lunglung la.

camu ulule’ ga, tun min musa’ makahuni’ naka nabkis. musa’ min tikiy
cika sisyaw na moꝛow, makarik min tu’uy yuyuk. sunli’ mni tikiy marangu’
na araw kahuni’. bahlan min na wahiy. sipanga’ min nanu’ moꝛow. lahbuw
ka kahuni’ marngu’ hiya’. yaba’ laha’ ci asuran malikuꝛ ga, arusuw ka
hahalan naha’ mapanga’ laha’. yaba’ awalax ga mama’ mulaꝛ lu mulit ka
katuhuꝛ na kahuni’. masot ka awalax la ga mama’ musa’ mapanga’ ci
kahuni’ katuhuꝛ luling ka ci’uli’. sipahngali’ arat ga huluyun na sinyuw.
inbagan use’ ka kahuni’ ga, arat kinsagan. urasan carung patata’ moꝛow. as
ka mapapaluking ka masyaba’. rali’, arat yona micuw rahalang ka tu’uy.
kelan na rarulu papanga’. moh cika tu’uy yuyuk mukurakes nanu’ moꝛow,
mahnuk ka raxal na tu’uy. maku nak tagit tasꝛuti’ tu’uy ki ruma’. tehuk
moꝛow laga, as ki kulutan ka kahuni’ na. patataman mini’ bawi’ na kahuni’
katuxul ni’ yaba’. yo min na rumow lumuking kumulut yaban. “ gus! gus!

gus! ” maka hinnarang ni. tagit mahnguw ka yaba’. maku’ mararinang
kumulut. su’un ni kumulut laga as ka sa’an na paru’ na. bali’un ni sunaw.
camu ule’ ga humakut min ci kahuni’ sinew ni yaba’. halan min patikaluw
talibu’, bali’un umuxul kinramasan taxan! yona umuxul ci inal’ ni’ yaba’,
hita ini’ patagahꝛa’ ka tanmoꝛow ma. paspunan na abuk ni’ yaba’ ka talibu’,
kinramasan carung wa!

payunaw ci ingkaralan la, mama’ ini’ abel ka ci’uli, mapapuruy sisyaw
na hapuni’. mapapase’ mapatisal ci kinramasan na utux ingkaralan hani.
bale’ mana’ ci a’awah na ule’ lu raral cel maki’ tuhya’. ana masinmalahngan
mana’. ini’ ruw pusa’ ci kahuni’ papalahan. ini’ mahmut musa’ pacek tu’uy
ka minoh tuhya’ uri. mama’ maturaril musa’ gunluw malah ci tanmoꝛow,
ba’un naha’ cel mana’ kika pakakilux linlungan na hapuni’.

ana nanu’ micuw, hapuni’ hani ga, maturana’ karirex, arat pakapurut.
ana ungat ka ramas carung na nani’un. ana arat ramas carung ka kakelan uri.
hapuni’ hani ga paskakilux carung ci kisli na ule’ itaral wa!

111 年全國語文競賽原住民族語朗讀 【萬大泰雅語】 國中學生組 編號 2 號

火

傍晚，家家戶戶為辛勤工作和認真讀書的家人準備晚餐，炊煙就像是在呼喚家人回家。

孩子們總是被喚去採集附近的木材，收集一堆後，會用樹藤綁成一捆背回家。

暴雨過後，村裡的人到河床扛漂流木，泡過水的木頭非常重。爸爸和哥哥會同心協力將木頭扛回家，有時候用肩扛著，有時候會用繩索綁著拖拉回家，回家的路並不寬敞，也沒有貨車代勞，蜿蜒的小徑增加了難度，鬆垮的土石，常會不小心滑倒。扛回家後，要將木頭鋸成數段，再來就是劈材，劈好材，我們會把劈好的材，搬到屋簷下交錯排列。

除夕夜大家會聚在一起聊趣事，不管多晚，家人總是不斷加上新材，火能溫暖遊子的心，因為他們知道有熊熊火焰在等待，也還裝滿了家人滿滿的愛。就算沒有美食，也沒有豪宅可居住，但是火扎扎实實地溫暖了每一個人的心。